

საქართველოს სამხატვრო აკადემია

სახალხო განათლების კომისიის ნებართვით თბილისში დაარსდა საქართველოს სამხატვრო აკადემია. იგი დაარსდა კაცობრივი ბუნების შესწავლის პრინციპზედ, იმ მიზნით, რომ ხელი შეუწყოს პლასტიური ხელოვნების (სახვითი, ყველა დარგების სწავლას საქართველოში.

ამ აზრის განსაზღვრებლად სამხატვრო აკადემიას უფლება აქვს:

ა) მოაწიოს პლასტიური ხელოვნების ყველა დარგების პრაქტიკული შესასწავლად სახელოსნოები (სტუდიები) ხატვისა, ფერებით წერისა, ქანდაკების, ხელოვნობის დემონსტრაციისა და მხატვრულ-ტექნიკური სახელოსნოები.

ბ) მოაწიოს ლექციები ხელოვნების ყველა თეორიულ და ტექნიკურ საგნებზედ

გ) მოაწიოს ადგილობრივ მაცადინებობა ჩვენი ძველი ხელოვნების, ბუნების და ხალხის მემკვიდრეობის შესასწავლად.

დ) დააარსოს აკადემიასთან აკადემიური ბიბლიოთეკა და მუზეუმი.

ე) დანიშნოს პრემიები საუკეთესო მხატვრულ ნაწარმოებებისათვის.

ვ) მოაწიოს კურსები საქართველოს სკოლებისათვის მასწავლებელთა მოსამზადებლად.

პლასტიური ხელოვნების ყოველ დარგის სახელოსნოებს ქავს განსაკუთრებული ხელმძღვანელი და ყოველ დარგს თეორიულად თვისი ლექტორი. ხელმძღვანელი და ლექტორი ერთად შეადგენენ სამხატვრო აკადემიის საბჭოს, რომელიც სრულიად ავტონომიურია

საბჭოს ფუნქციას შეადგენს აკადემიის პედაგოგიური, ადმინისტრაციული და სამეურნეო გამგებლობა.

საბჭო ირჩევს რექტორს და პრორექტორს ერთი წლის ვადით, რომელთაც ამტკიცებს მთავარი სახელოვნო კომიტეტი და განათლების სახალხო კომისარი.

სამხედრო აკადემიაში მიღებულ ყველანი საშუალო განათლებით, ვინც და ამისა დაშვებულნი იქნებიან თვისუფალნი მსმენენ.

პირველი წელი მოწაფის სახელოსნოში ყოფნისა, ითვლება საცდელად რომლის შემდგომ ხელმძღვანელს შეუძლია დაითხოვოს მოწაფე თავის სახელოსნოდან.

აკადემიაში ყოფნის დრო განსაზღვრულია 10 სემესტრით. აკადემია დასრულებულთ ეძლევათ მოწმობა, აკადემიაში განვლილ საგნებს და ლექციების აღნიშვნით.

მასწავლებელთა კურს დამთავრებულთ, სათანადო გამოკვების ჩაბარების შემდეგ ეძლევათ მოწმობა ხატვის მასწავლებლისა.

სამხატვრო აკადემიაში სწავლა ფასიანია.

სამხატვრო აკადემიის ყოველივე ხარჯი იფარება განათლების სახალხო კომისარიატის საშუალებებით.

აკადემიის სპეციალურ თანხას შეადგენს მოსწავლეგთაგან შემოტანილი სწავლის ფული, მემკვიდრეობები და სხვანი.

სპეციალური თანხა იხარჯება სამხატვრო აკადემიის საბჭოს დადგენილებით.

დამტკიცებულია სამხატვრო აკადემიის პროფესორთა შემდეგი შტატი: 1) ლანსერე ე. ე. 2) ნიკოლაძე იაქ. ივ. 3) კალგინი ი. ნ. 4) გაბაშვილი გ. ი. 5) ხმელთაშვილი გ. ლ. 6) ჩუბინაშვილი გ. ნ. 7) ნათიშვილი ალ. გ. 8) გრიბოვსკი გ. თ. 9) შარლემანი მ. ა. 10) ტატოვსიანი ე. გ. 11) შერლინგი მ. ი. 12) შებუღაძე გ. 13) სარქისიანი გ. ა. 14) სკლიფასოვსკი ნ. ვ. 15) აჯემოვა მ. ხ. 16) ფოგელ ბ. ა. 17) ალლაძე ნ. დ. (ხელოსანი).

აკადემია მოთავსებულია დროებით გრიბოვსკის ქ. № 24.